

OPĆINSKO VIJEĆE ČELIĆ



S L U Ž B E N I G L A S N I K

GODINA : XXX

- 02.10.2024. -

BROJ: 5/2024

*Službeni glasnik izlazi po potrebi
Izdaje : Stručna služba Općinskog vijeća, Općinskog načelnika i zajedničkih poslova*

**7. VANREDNA SJEDNICA OPĆINSKOG VIJEĆA ČELIĆ OD
02.10.2024. GODINE**

R/B	SADRŽAJ	STRANA
1.	ODLUKA o izmjeni i dopuni Odluke o usvajanju kalendara značajnih datuma na području općine Čelić, broj: 01-45-603/21 od 02.10.2024. godine	3
2.	ODLUKA o davanju ovlaštenja Općinskom načelniku za imenovanje privremenih članova Upravnog odbora Javne ustanove za predškolski odgoj i obrazovanje „Čelić“ Čelić, broj: 01-45-1789/23 od 02.10.2024. godine	4
3.	ODLUKA o pristupanju Sporazumu gradonačelnika za klimu i energiju i izradi Akcionog plana za održivu energiju i borbu protiv klimatskih promjena (<i>engl: Sustainable energy and climateaction plan – SECAP</i>), broj: 01-45-943/24 od 02.10.2024. godine	5

Na osnovu člana 13. Zakona o principima lokalne samouprave u Federaciji BiH („Službene novine FBiH“, broj: 49/06 i 51/09), člana 24. Statuta općine Čelić („Službeni glasnik općine Čelić“, broj: 3/2017) i člana 10. Poslovnika o radu Općinskog vijeća Čelić („Službeni glasnik općine Čelić“, broj: 4/2008 i 4/2018), Općinsko vijeće općine Čelić na 7. vanrednoj sjednici održanoj dana, 02.10.2024. godine, d o n o s i:

ODLUKU

o izmjeni i dopuni Odluke o usvajanju kalendara značajnih datuma na području općine Čelić

Član 1.

Odluka o usvajanju kalendara značajnih datuma na području općine Čelić broj: 01-45-603/21 od 30.07.2021.godine („Službeni glasnik općine Čelić“, broj: 6/2021) mijenja se i dopunjuje na način da se u Kalendaru značajnih datuma 1992-1995. godine koja je sastavni dio Odluke dodaje nova stavka 15. koja glasi:

R.B.	Naziv manifestacije	Datum održavanja	Mjesto održavanja
15.	Bitka na Stražama	09. Oktobar	MZ Čelić

Dosadašnje stavke 15. i 16. postaju stavke 16. i 17.

Član 2.

Ova Odluka čini sastavni dio Odluke o usvajanju kalendara značajnih datuma na području općine Čelić broj: 01-45-603/21 od 30.07.2021.godine („Službeni glasnik općine Čelić“, broj: 6/2021).

Član 3.

Ova Odluka stupa na snagu danom donošenja, a objavit će se u „Službenom glasniku općine Čelić“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE

PREDSJEDAVAJUĆI
Mustafa Ljaljić s.r.

Broj: 01-45-603/21
Čelić, 02.10.2024. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 4. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 25. Zakona o ustanovama („Službeni list RBiH“, broj: 6/92, 8/93 i 13/94), člana 64. Zakona o predškolskom odgoju i obrazovanju („Službene novine Tuzlanskog kantona“ broj: 10/20-prečišćeni tekst, 5/22), člana 17. Odluke o osnivanju Javne ustanove za predškolski odgoj obrazovanje „Čelić“ Čelić ("Službeni glasnik općine Čelić broj: 11/2021, 6/2022 i 7/2022), Odluke o utvrđivanju uslova i kriterija za imenovanja na pozicije u reguliranim organima općine Čelić („Službeni glasnik općine Čelić“ broj: 2/2021) i člana 24. Statuta općine Čelić („Službeni glasnik Općine Čelić“, broj: 3/2017), Općinsko vijeće Čelić na 7. vanrednoj sjednici održanoj dana, 02.10.2024. godine, d o n o s i :

O D L U K U

o davanju ovlaštenja Općinskom načelniku za imenovanje privremenih članova Upravnog odbora Javne ustanove za predškolski odgoj i obrazovanje „Čelić“ Čelić

Član 1.

Daje se ovlaštenje Općinskom načelniku da u slučaju potrebe imenuje privremene članove Upravnog odbora Javne ustanove za predškolski odgoj i obrazovanje „Čelić“ Čelić, do provođenja procedure konačnog imenovanja u skladu sa Zakonom o ministarskim, vladinim i drugim imenovanjima Federacije Bosne i Hercegovine i Zakonom o predškolskom odgoju i obrazovanju, na period najduže do tri mjeseca.

Član 2.

Odluka stupa na snagu danom donošenja, a bit će objavljena u „Službenom glasniku općine Čelić“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE

PREDSJEDAVAJUĆI
Mustafa Ljaljić s.r.

Broj: 01-45-1789/23
Čelić, 02.10.2024 .godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Čelić („Službeni glasnik općine Čelić“, broj: 3/2017), Općinsko vijeće općine Čelić na 7. vanrednoj sjednici održanoj dana, 02.10.2024. godine, d o n o s i :

O D L U K U

o pristupanju Sporazumu gradonačelnika za klimu i energiju i izradi Akcionog plana za održivu energiju i borbu protiv klimatskih promjena
(*engl: Sustainable energy and climateaction plan - SECAP*)

Član 1.

Općina Čelić pristupa Sporazumu gradonačelnika za klimu i energiju, čime se obavezuje da će smanjiti emisiju CO₂, povećati otpornost na klimatske promjene i predložiti rješenja za ublažavanje energetskog siromaštva na svojoj teritoriji.

Član 2.

Općina Čelić prihvata načela i obaveze iz Sporazuma gradonačelnika za klimu i energiju.

Član 3.

Ovom odlukom Općinsko vijeće daje ovlaštenje Općinskom načelniku za pristupanje i potpisivanje Sporazuma gradonačelnika za klimu i energiju.

Član 4.

Ovom Odlukom Općinsko vijeće pokreće proces izrade Akcionog plana za održivu energiju i borbu protiv klimatskih promjena (SECAP) do 2030. godine.

Član 5.

Akcioni plan za održivu energiju i borbu protiv klimatskih promjena (SECAP) ima za cilj:

- smanjiti emisije CO₂ (i prema mogućnosti, drugih stakleničkih plinova) na području Općine Čelić kako je predviđeno Sporazumom gradonačelnika za klimu i energiju, efikasnijom upotrebom energije i većom upotrebom obnovljivih izvora energije,
- povećati otpornost Općine Čelić na posljedice klimatskih promjena,
- predložiti rješenja za aktuelnu temu energetskog siromaštva, kao ključne mjere koja omogućava pravednu tranziciju,
- podijeliti viziju, rezultate, iskustvo i znanje iz procesa izrade i implementacije SECAP-a s drugim lokalnim i regionalnim tijelima u okviru Europske unije i izvan nje putem direktne saradnje i razmjene, posebno u kontekstu Sporazuma gradonačelnika.

Član 6.

Proces izrade Akcionog plana za održivu energiju i borbu protiv klimatskih promjena Općine Čelić biti će zasnovan na principima održivog razvoja i pravedne tranzicije.

Član 7.

Općinski načelnik imenovat će koordinatora i članove tima za izradu Akcionog plana za održivu energiju i borbu protiv klimatskih promjena kao operativno, izvršno i koordinaciono tijelo zaduženo za vođenje procesa izrade SECAP-a.

Član 8.

Općinski načelnik imenovat će savjetodavnu grupu za održivu energiju i borbu protiv klimatskih promjena, koja će aktivno učestvovati u izradi SECAP-a.

Član 9.

Po završetku izrade Plana, isti će se dostaviti Općinskom vijeću na usvajanje.

Član 10.

Ova Odluka stupa na snagu danom donošenja, a objavit će se u „Službenom glasniku općine Čelić”.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKO VIJEĆE

PREDSJEDAVAJUĆI
Mustafa Ljaljić s.r.

Broj: 01-45-943/24
Čelić, 02.10.2024 .godine